

Bilsena Šahman
Zastupnica SBB BiH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

n/r Vlade KS

n/r MUP- KS

n/r Ministarstva za rad, socijalnu politiku, raseljena lica i izbjeglice KS

n/r Predsjedavajućeg Skupštine KS

Sarajevo, 19.11.2019.godina

ZASTUPNIČKO PITANJE

Skupština KS usvojila je na prošloj sjednici zaključke kojim smo zabranili razmještanje migranata u KS.

Izjava predsjedavajućeg Vijeća ministara BiH Denisa Zvizdića dana 14.11. 2019. da će se ubuduće migranti smještati u kasarnu Blažuj i na područje TK, dodatno pokazuje aposlutno nepoštivanje odluka ove skupštine i molim da mi se odgovori na dole postavljena pitanja, jer očito je da se migrantska kriza počinje koristiti u političke svrhe, ovo je posebno interesentno imajući u vidu posljednje izjave šefa delegacije EU Johana Satlera da se 94% pomoći Bosni i Hercegovine od strane EU odnosi na pomoć migrantima, zato i pitanje transparentnosti treba biti istaknuto prema nadležnima)

Tražim da mi se odgovori na slijedeće:

- Da li će Ministarstvo unutrašnjih poslova KS informisati Skupštinu KS o poduzetim mjerama shodno usvojenim zaključcima na prošloj sjednici?

- Da li su, i ako nisu da li će ministri unutrašnjih poslova i rada, socijalne politike, raseljenih lica i izbjeglica, ostvariti kontakt sa resornim ministarstvima i funkcionerima na nivou Vijeća ministara BiH, kontakt sa predstavnicima međunarodnih organizacija koje se bave pitanjima zbrinjavanja migranata, prvenstveno sa IOM, te da ih informišu o zaključcima Skupštine KS, a da o ishodu tih razgovora informišu Vladu KS i Skupštinu KS, odmah po dobivanju traženih informacija?

- Da li je ministar rada, socijalne politike, raseljenih lica i izbjeglica uspio da ostvari komunikaciju sa predstavnicima Općine Ilidža, ali i Općine Hadžići u kojoj se nalazi kamp Ušivak, te da shodno usvojenim zaključcima pokrene javnu raspravu sa lokalnim stanovništvom koje bi bilo pogođeno stihijskim odlukama o smještanju migranata u Blažuju, a ministar unutrašnjih poslova da dostavi mišljenje i analizu o prijetnjama po sigurnosnu situaciju u slučaju stihijskog smještaja migranata u Blažuju?

- Da li je Vlada KS razmatrala o imenovanju posebnog povjerenika shodno usvojenim zaključcima moje inicijative, za pitanja migracija koji će imati zadatak koordiniranja aktivnosti

vezanih za migrantsku krizu i sve aspekte vezane za status migranata koji su trenutno smješteni u kasarni Ušivak, ostvariti direktnu i neposrednu komunikaciju sa predstavnicima međunarodnih organizacija koji se bave pitanjima pomoći migrantima, prvenstveno sa IOM, ali i sa predstavnicima Delegacije Evropske unije u BiH koji su glavni donatori pomoći migrantima?

Zastupnica SBB u SKS

Bilsena Šahman